

宋朝大詔令集

宋朝大詔令集卷第一百八十八

政事四十一

慰撫中

慰撫權知貢舉晁迥李惟詔

大中祥符五年五月甲午

卿等往蒞文衡允符朝望仍問考藝克協推公然於陪隸之間頗失防閑之術卿等方當鏖宿故不周知朕脩究事端從情恕但思可舉職勿復懷憂無致遺才允資宣力

崇王宮火曉諭京邑

大中祥符八年五月庚辰

近者親王之第並煇旁延頗聞京邑之人益衝引望觀滿救之未及形憂戚以皆同言念至誠實嘉忠順故茲榜示想宜知悉

皇子封王諭壽春郡詔

大中祥符八年十二月辛卯

朕以某慶鍾積累體倫溫恭問安特發於誠明樂善匪由於教尊

稽典故聿舉褒崇真承輔於京都且昭導於宗社眷壽春之巨屏寔  
淮甸之輿區俗常淳龐地推繁會俾本開於茅土仍煎搃於節旄適  
賴統臨用宣風教諒茲民吏慶抃同深

王守斌建飾諭永清軍勅書

勅永清軍三軍將吏僧道百姓等朕以王守斌早陟將壇蕙提禁旅  
奉公勤瘁秉志謙冲俾辭軍簿之 特換戎麾之寄鎮于右地載洽  
隆恩汝等居彼藩城得茲賢帥楚聞明命諒慰乃懷今特授王守斌  
特進依前檢校太尉使持節貝州諸軍事行貝州刺史兼御史大夫  
永清軍節度貝州管内觀察處置等使加食邑七百戶食實封二百  
戶功臣勳封如故

府州勅牒

寶元二年  
九月乙巳

眷惟府谷遠在邊隅以折氏代有勳勤委之鎮撫而維宣不能綏寧

種落以紹世家虐用威刑肆為括克民多胥怨人用流移今改命折  
繼閔知府州其因繼宣連逮之人一切不問本州將校官吏百姓蕃  
落族帳等並常安集無或驚疑

撫慰判天雄軍呂簡詔

仰風以材猷荐冠台席向寵麾旋之披遣圖屏翰之勞而京府猶膏  
憲臺起獄語連子含議止罰科且有案章之臣稱乃訓方之闕朕以  
卿自辭魁柄累易若符慮私靡違事迹弗及故茲慰撫無或驚疑

賜護國軍三軍將吏僧道百姓等勅書

勅護國軍三軍將吏僧道百姓等朕以某人夙兼忠勇之資常著勲  
庸之效自忝機務頗歷歲時載深乃眷之懷優以均勞之寵惟命崇  
於名器蓋體繫於朝廷是加勳勲之司委以藩垣之任乃人臣之榮  
遇想輿論之僉諧

勅賜昭德軍節度使檢校太傅知并州雁鶻節度使諭戒勅詔

勅龐籍者所上表麟州中管勾府州軍馬司郭恩領兵通屈野河陷沒得罪事具悉卿以文武之才更將相之任入籌帷幄早濟決勝之謀出撫邊隅方重臨戎之寄載惟同德可諒宣勳而裨救貧功曾同虞於黃毒敗沒銜辱致輕損於國威若封奏之上陳能列言而引咎雖勇夫憤於輕敵彼實自貽而智者慮於未形宜無不備已失難追於既往後圖猶倚於老成勉思節制之方用副眷懷之厚故茲詔示想宜知悉夏熟卿比平安好遣書指不多及

賜河陽三城三軍將吏僧道百姓等詔

嘉祐五年十月

朕以宋庠文儒之宗台宰惟舊近解樞衡之重俾薰衮鉞之榮言念盟津前經生鎮命茲書社利以建侯俾裝輔以作蕃庶京師而蒙福眷言士吏以及軍民聞乎號之已行諒與情之胥悅今特授宋庠依

前檢校太尉同中書門下平章事使持節孟州諸軍事行孟州刺史  
充河陽三城節度孟州管内觀察處置河堤等使判鄭州軍州事故  
茲示諭想宜知悉

賜山東道道三軍將吏僧道百姓等詔

朕以賈昌朝葉茂公台器全文武命建牙於南紀仍主籥於北門冠  
于元侯時惟伯舅屬以首樞缺職前若咨才召選溫省之嚴入冠本  
兵之任朝言協允國論成緬想吏民久承節制自聞朕以命諒慙爾  
情

賜忠武軍三軍將吏僧道百姓詔

嘉祐元年十一月

朕以王德用世濟忠勞年居耆哲丹心有素黃髮無愆爰上公車之  
章願辭樞首之務閔以機劇煩我老成命總政於六閭益徙封於三  
輔惟茲舊許用啓新藩乃眷吏民是承條教遙聞節制因洽驩情

賜感德軍三軍將吏僧道百姓手詔

朕以允初德器早成天屬為近遷總司於留務俾節制於中權進領  
藩房留宿京邸且念賢王之子用申敦族之懷矧茲美原抑乃名土  
按之析瑞壯厥維城汝等遠被撫臨諒多忻懌今特授允初依前檢  
校尚書右僕射持節耀州諸軍事耀州刺史兼御史大夫充感德軍  
節度耀州管内觀察處置等使仍加食邑七百戶食實封二百戶散  
官勳封如故故茲詔示想宜知悉夏熟將士等各得平安好忝佐官  
吏僧道耆壽百姓等並存問之遺書指不多及

賜彰武軍三軍將吏僧道百姓等詔

朕以李昭亮門濟忠獻世承勳烈踴盜氛於保塞命書社於濟陰升  
冠內數倚臨北道顯庸惟茂令聞逾昭進兼宰鉉之名就司留輪之  
務輔藩惟舊台鉞有光緬想吏民逆承節制嘉聞異數增慰輿情

賜建雄軍三軍將吏僧道百姓等詔

朕以許懷德少歷戎行老知軍志早持

加恩數俾候中興書社平陽緬想吏民同嘉師帥今特授許懷德於  
校司徒使持節晉州諸軍事晉州刺史兼御史大夫依前充殿前都  
指揮使建雄軍節度使晉州觀察處置等使加食邑七百人食實封  
三百戶功臣散官勳封如故故茲示諭想宜知悉

賜淮康軍三軍將吏僧道百姓

朕以張茂寔早分符鉞嘗帥騎兵參國前勞召還舊物解符書於郊  
上進茅瑞於淮西遙制藩垣入司宿衛緬惟有衆嘉此建侯今特授  
張茂實檢校吏部尚書使持節秦州諸軍事行秦州刺史兼御史大  
夫充侍衛親軍馬軍副都指揮使淮康軍節度秦州管内觀察處置  
等使加食邑七百人食實封三百戶功臣散官勳封如故故茲示諭



想宜知悉

賜叅政歐陽修詔

治平四年三月壬子

數日束以言者汙卿以大惡朕晚夕在懷未嘗舒釋故數批出詰其所從來訖無以報前日見卿文守力要辨明遂自引過今已令降黜仍出勝朝堂使中外知其虛妄事理既明人疑亦釋卿宜起視事如初無恤前言

韓絳宣撫陝西賜本路勅書

熙寧三年九月

勅永興軍官吏將校僧道耆老百姓等朕以閔陝以西城鎮相望老弱罷於轉餉吏卒淹於戍屯特命輔臣往宣朝指究方隅之民隱飭邊計於秋防凡在撫循並申眷想今特遣尚書吏部侍郎參知政事韓絳往彼宣撫故茲撫諭想宜知悉

賜保平軍三軍將吏僧道百姓等除賈昌朝為本鎮節度使

示諭勅書

勅保平軍三軍將吏僧道百姓等朕以賈昌朝舊儀宰路外歷艱垣  
遠班特於治庭荐易麾於鉅鎮乃曉樂郊之俗久陶寧世之風聞拜  
耆英想符輿望今特授賈昌朝依前尚書右僕射檢校太師兼侍中  
充保平軍節度陝州管内觀察處置等使陝州大都督府長史仍改  
賜推誠保德崇仁守正忠亮佐運翊戴功臣散官勳封如故仍放辭  
謝故茲示諭想宜知悉

富弼投鎮海軍節度使賜本鎮勅書

勅朕以富弼昔在先朝嘗居上宰拜纂承於丕祚復登冠於幾廷適  
靳藩翰之行遂寵節旄之拜已祇成命諒慰輿情今特授富弼依前  
檢校太師同中書門下平章事使持節青州諸軍事行青州刺史充  
鎮海軍節度青州管内觀察處置等使判河陽軍州事兼管内河堤

勸農使加食邑一千戶食實封四百戶仍改賜推誠保德崇仁忠亮  
朔戴功臣散官勳封如故

曾公亮授河陽三城節度使賜本鎮勅書

熙寧三年  
八月

勅朕以曾公亮先帝大臣前朝舊宰重抑老成之請特均我務之勞  
方以任於上都宜分旄於巨鎮眷言士吏以登軍民間乎號之已行  
諒輿情之膏說今特授曾公亮依前守司空檢校太師兼侍中使持  
節益州諸軍事行益州刺史充河陽三城節度孟州管内觀察處置  
河堤等使集禧觀使仍改賜推誠保德崇仁守正協恭忠亮朔戴功  
臣食邑實封散官勳封如故仍五日一奉朝請

皇兄宗諤授保靜軍節度使賜本鎮勅書

勅朕以宗諤席祖宗之休篤兄弟之愛眷言淮服之奧遠建威旄之  
雄按土民之素著陶風化之甚美聞褒近屬想慰遐心今特授宗諤

依前檢校右散騎常侍使持節宿州諸軍事宿州刺史兼御史大夫  
號國公充保靜軍節度宿州管内觀察處置河堤等使加食邑七百  
戶食實封二百戶散官勳封如故

皇伯宗諤授集慶軍節度使賜本鎮勅書

勅朕以宗諤緒本皇支室有賢德想建帥節以蕃王家 彼土疆之  
饒陶于風化之美諒聞嘉命彌慰輿情今特授宗諤光祿大夫檢校  
尚書左僕射同中書門下平章事使持節亳州諸軍事亳州刺史號  
國公充集慶軍節度使亳州管内觀察處置河堤等使加食邑七百  
戶食實封三百戶勳封如故

宋朝大詔令集卷第一百八十八

宋朝大詔令集卷第一百八十九

政事四十二

慰諭下

皇弟願投武勝軍節度使賜本鎮勅書

治平四年

勅朕以顧皇屬之英先帝所愛爰既繼承之始茂指封建之文賜之大邦屏我王室既協朝僉之穆想符民望之喻今特授願光祿大夫依前檢校太尉同中書門下平章事使節鄧州諸軍事鄧州以刺史充武勝軍節度鄧州管内觀察處置等使進封樂安郡王加食邑七百戶食實封四百戶勅封如故

曹佺投昭德軍節度使賜本鎮勅書

治平

勅朕以曹佺地處威藩位聯台衮遠紹休於邦祚爰更寵於師苑載惟昭德之封建為全晉之興已盼定命良慰與懷今特授曹佺檢校

太傅依前同中書門下平章事充景靈宮使行路州大都督府長史  
充昭德軍節度潞州管内觀察處置等使加食邑七百戶食實封三  
百戶散官勳封如故

郝質授武安軍節度賜本鎮勅書

嘉祐

勅朕以郝質秉將鉞之雄總禁屯之重屬受圖於帝在更拜節於帥  
璽瞻彼樂郊若有雅俗遠頌廷號諒副民懷今特授郝質檢校尚書  
左僕射使持節興州諸軍事興州刺史兼御史大夫充殿前指揮使  
安武軍節度興州管内觀察處置等使加上柱國食邑七百戶食實  
封三百戶功臣散官勳封如故

曹佺授鎮寧軍節度使賜本鎮勅書

勅朕以曹佺緒出元勳地聯憲戚而宣勞於外間命徒御於鉅封眷  
彼樂郊若有雅俗遠登良翰宜慰遐瞻今特授曹佺光祿大夫依前

檢校司徒使持節澶州諸軍事行澶州刺史兼御史大夫充宣徽北院使鎮寧軍節度澶州管内觀察處置河堤等使加食邑七百戶食實封三百戶勳封如故

李端應恩授武康軍節度使賜本鎮勅書

勅朕以李端愿襲重侯之序推外戚之英比盼綉以告廷選擁旄而作鎮瞻言封瓌之奧居有士民之蕃久被化風諒均與慰今特授李端愿依前檢校刑部尚書使持節節度使知相州軍州事司群牧夫充武康軍節度洋州管内觀察處置等使知相州軍州事司群牧兼管内勸農使加食邑七百戶食實封二百戶散官勳封如故

皇弟願授保信保靜節度賜本鎮勅書

勳字四  
年二月

勅保信保靜軍三軍將吏僧道百姓等朕以願愛深同氣德茂維城念眷曠望之隆進陟真王之號出從外郎留奉治朝徽算社於蜀封

建齋旒於淮服眷爾樂土為之支邦聞大號之已敷諒輿情之文慰

皇子俊授彰信軍節度賜本鎮勅書

勅彰信軍三軍將吏僧道百姓等朕以俊德器夙成天資日茂率舊章而受社渙大號以告廷乃眷南華素稱鉅鎮賜以旒鉞作為屏藩惟時吏民爰暨師旅聞茲休命良慰羣情今特授俊進檢校太尉職使持節曹州諸軍事行曹州刺史兼御史大夫充彰信軍節度曹州營內觀察處置等使上柱國公食邑三千戶食實封一千戶仍賜禮仁保運功臣故云詔示想宜知悉眷寒將士等各得平安好叅佐官吏僧道耆壽百姓等並存問之遺書指不多及

皇子憫授鎮安軍節度使賜本鎮勅書

熙寧八年二月四日

勅鎮安軍三軍將吏僧道百姓等朕以憫應孝天至英聰日新眷言總北之初宜有錫封之命以淮陽之名壤乃京輔之大邦特付節旒



用嚴著翼維爾吏民之衆逮於師旅之間及此布聞良多慰懌今特  
授侗特進檢校太尉使持節陳州諸軍事行陳州刺史兼御史大夫  
充鎮安軍節度陳州管内觀察處置等使上柱國 公食邑三千  
戶食實封一千戶仍賜宣仁明運功故茲示諭想宜知悉春暄其將  
士等各得平安好叅佐官吏僧道耆壽百姓等並存問之遺書指不  
多及

陳升之授鎮江軍節度使賜本鎮勅書

熙寧八年四月

勅鎮江軍三軍將史百姓等朕以陳升之三朝舊德四輔宗臣久服  
樞衡之元出宣屏翰之憲眷言江國之紀厥有里門之高授之節旄  
充彼方面維爾兵吏及于士民聞是寵光諒深慰懌今特授陳升之  
依前檢校太傅同中書門下平章事使持節潤州諸軍事行潤州刺  
史充鎮江軍節度潤州管内觀察處置提堰橋道等使判揚州軍府

事兼管內勸農仗充淮南東路兵馬鈐轄加食邑一千石食實封四百戶仍改賜推誠保德崇仁翊戴功臣散官勲封如故故茲示諭想宜知悉夏熟將士等各得平安好各佐官吏僧道耆壽百姓等並存問之董書指不多及

韓琦移鎮永興賜本鎮勅書

勅永興軍三軍將吏僧道百姓等朕以韓琦材隆棟幹績著旂常服二祊之皇僚侔三朝之重望乃眷咸秦之舊號為屏翰之雄授以尹章昇之將鉞維時元老撫我西民諒彼群情同均慰憐令特授韓琦依前守司徒檢校太師兼侍中行京兆尹魏國公充永興軍節度管內觀察處置等使令再任相州軍州事兼監牧管內勸農仗兼本州駐泊兵馬都總管加食邑一千戶食實封三百戶功臣散官勲封如故故茲示諭想宜知悉夏熟將士等各得平安好各佐官吏僧道耆

尚百姓等並存問之遺書指不及多

燕達授武康軍節度使賜本鎮勅書

元豐四年八月

勅武康軍三軍將吏僧道百姓等朕以燕達輸忠惟舊經武有勞俾  
蒞殿巖寵之圻父仍頒使燕領是洋川逃聞制命之行想慰邦民之  
望

曹佺授護國軍節度使本鎮勅書

朕以曹佺地處親賢名兼將相屬均祀報特啓王封因董正於官儀  
且褒優於藩戚逃聞誕告想慰輿情

某人授護國節度使賜本鎮勅書

國之懿親朕所優禮特加恩典俾領將旄抑有壯猷以綏武旅爾聞  
誕告想慰輿情

某人除彰武軍節度使賜本鎮勅書

秀故世祥爰隆天屬爰稽僉議載錫命書新瑞帥於中軍間奧藩於西國想聞誕告良慰輿情

文彥博除河東節度使致仕示諭河東官吏軍民勅書

元祐五年

二月

勅河東官吏軍人僧道百姓等朕以文彥博四朝舊臣一時耆德起於既老之後輔予繼服之初奏章屢陳歸意莫奪帥臣之貴爵無復加將鉞之崇恩俾還舊矧爾故鄉之父老安於前尸之威懷比聞冊書想多歡慰今特授文彥博太師開府儀同三司太原戶充河東節度管內觀察處置等使致仕加食邑一千戶食實封四百戶勲封如故故茲示諭想宜知悉將士等各得平安好參佐官吏僧道耆壽百姓等並存問之遺書指不多及

馮京除彰德軍節度使示諭彰德官吏軍民勅書

元祐五年四月辛酉

勅彰德軍官吏軍人僧道百姓等朕以魏都要地守難其人為京名  
臣姑易其節假爾郡城之重壯我留鑰之司矧旄鉞之得賢抑吏民  
之增氣已頒大號想慰輿情今授馮京檢校司空持節相州諸軍事  
相州刺史充彰德軍節度相州管勾觀察處置等使再任知大名府  
兼北京留守司公事畿內勸農使充大名府路安撫使馬步軍都總  
管仍食邑五百戶食實封二百戶勲封如故故茲示諭想宜知悉而  
將士等各得平安叅佐官吏僧道耆壽百姓等並存問之以遺書指  
不多及

向宗良授昭信節度賜本鎮勅書

元符三年

勅昭信軍官吏軍人僧道百姓等朕以報德慈闈推恩諸舅眷彼樂  
土宜吾懿親改付將旄俟士俗已頒大號想慰輿情今特授向宗  
良檢校司空持節虔州諸軍事虔州刺史充醴泉觀使昭信軍節度

慶州管内觀察處置等使加食邑五百戶食實封二百戶勅封如故  
故茲示諭想宜知悉將士等各得平安好忝佐官吏僧道耆壽百姓  
等並存問之道書指不多及

恭王似授保平鎮安節度賜本軍勅書

勅保平軍鎮安軍官吏軍人僧道百姓等朕以似有魯衛之親有間  
平之德甫間邸第不遠禁城遵用舊章遠更重鎮將旄相印王組公  
圭併僧蒲翰之確想慰士民之望今特授似守太保依前開府依同  
三司陝州大都督持節陳州諸軍事陳州刺史恭王充保平鎮安等  
軍節度陝州陳州管内觀察處置等使加食邑七百戶食實封三百  
戶勅封如故故茲示諭想宜知悉將士等各得平安好忝佐官吏僧  
道耆壽百姓等並存問之道書指不多及

張敦禮移寧海軍節度前本鎮勅書

勅朕以張敦禮國之至孺朕所優賤惟陞聞寄榮建將旄眷惟晉寧  
遠控荒服用資奔翰倚以鎮臨威命甫頒興情想愜今特授張敦禮  
持節容州諸軍事容州刺史駙馬都尉充寧海軍節度使容州管内  
觀察處置等使故茲示諭想宜知

皇子亶授山南東道節度賜本道勅書

勅山南東道官吏軍人僧道百姓等朕以皇子亶雖在幼冲已成德  
器封建元子國有彝章用錫公圭仍分將鉞惟山南之重鎮有羊杜  
之遺風朕躬按輿圖授茲制節豈獨厚皇家之慶亦以壯藩輔之形  
成命甫行諒均歡慶今特授亶檢校太尉持節兼州諸軍兼事州刺  
史充山南東道節度兼州管内觀察處置橋道等使上柱國韓國公  
食邑三千戶食實封一千戶故茲示諭想宜知悉將士等各得平安  
好參佐官吏僧道耆壽百姓等並存問之遺書指不多

告諭已誅首惡御筆手詔

大觀元年五月十二日

比緣姦人狂謀追逮黨與道路亭驛排設應副差役夫衆科配鞍馬  
急於捕繫騷動良民可令州縣應昨來追捕科差於民一物一件並  
仰經所屬自陳本州類聚聞奏當議別降指揮優恤仍仰告於士民  
首惡已誅其各安集監司長吏益加存撫以



宋朝大詔令其卷第一百九十

政事四十三

誠飭一

誠飭百寮奉命諸道不得妄有請託

建隆三年十一月癸亥

奉使出疆宣揚王命如容私謁是紊公朝宜令中書門下宣示文武百僚今後奉命諸道不得妄有請託如違重寘其罪

州縣官吏當直人詔

張官置吏國有舊章過限役人律存明禁如聞近日頗紊規程宜示新條合令遵守自今應天下州縣所置當直雜職手力廳子等每縣不滿千戶已上令三十人主簿十五人四千戶及五千戶令三十五人主簿十七人六千戶已上令四十人主簿二十人八千戶及萬戶已上令五十人主簿二十人每州不滿五千戶錄事參軍二十人司

戶司法各三人萬戶以上錄事參軍三十人司戶司法各四人三萬戶以上錄事參軍三十五人司戶司法各五人五萬戶以上錄事參軍四十人司戶司法各五人

誠約長吏躬親檢校倉廩詔

建隆四年七月癸丑

為國之計足食是先屬年穀之豐登顧倉儲之流行苟暴涼之失節即損壞以為虞必資守土之臣共體分憂之寄應所在倉廩上委長吏躬親檢校勿令損惡

誠約藩侯郡牧不得令親隨參掌公務詔

乾德四年九月庚辰

朝廷比設賓從並置掾屬共令參佐務守詔條豈可使紀綱之僕干預公事向從戒約尚或因循近者武寧節度高維沖元從軍將高從志雖不簽簿書而輒干郡政果以賍賄覬我憲章尋命眾投尚從於貸諸藩侯郡牧其謹守前詔不得更令親隨參掌公務如違者當寘

於極典

誠約通判與長吏叶和詔

朝廷求理務在叶和郡國效官所宜輯睦苟用心之相益則從政以何施朕比於諸州改置通判本朝共治必其分憂而聞與長吏互執事權罔思公共或徇私而為黨或專欲而自強多致忿爭動成踰越自今應諸道州府事無巨細須長吏通判會議連署則州郡條為方許稟行凡爾職官當體予意

令外郡官罷任具官舍有無破損及增修文帳詔

乾德六年

二月癸亥

郡國之政三年有成官次所居一日必葺如聞諸道諸鎮郡邑府署倉庫等凡有損庠多不繕脩因循歲時漸至頽圯及僦工而在役必倍費以勞民自今節度觀察防禦團練刺史知州通判等罷任日具

官舍有無破損及增修文帳仍委前後政各件以聞其幕職州縣官  
候得替據增葺及廩造屋宇對官新舊麻子方許給付解由損壞不  
完補者殿一選如能設法不擾人整葺或創造舍宇與戎一選無選  
可成者收裁

誅李飛雄誠勸天下詔

太平興國三年五月己巳

朕奄有萬邦朕茲教化民之多辟罪在朕躬近者秦州都巡檢周承  
璠等上言四月二十六日有秦州節度判官李若愚男飛雄偽東鄉  
馬至秦州清水縣矯稱制縛周承璠田仁朗劉文裕王說梁宗贊等  
編馬知節等七人持於秦州戮之因廂守宰反城中劉文裕覺其詐  
遂共擒縛飛雄按之盡得其狀所有李飛雄三族已從別勅腰斬其  
父若愚失於庭訓成此野心致孽戮之上延使宗祀以無主雖從誅  
誣良切哀矜念中外臣庶之家各有子弟或自來有車檢慎為卿黨

所知雖加戒勗曾不悛改者並許本家尊長具姓名聞於州縣遣使  
錮送闕下當配隸諸處敢有蔽匿不以名聞者異日醜狀彰露并功  
以上悉以其罪罪之宜令有司頒行天下

約束八月一日以後吏民所犯不在恩赦之限詔 太平興國

三年八月丙辰

朕以長至之辰親祀上帝皆災宥過抑有舊章竊慮不逞無賴之徒  
因而為姦以圖僥倖諸州官吏留大獄不決以覲宥赦宜令諸道轉  
運司指揮所屬州府自八月一日以後吏民所犯並論如法亦在恩  
赦之限

誠飭郊廟行事官虔肅詔 太平興國六年十一月丙戌

將奉裡煇式資蠲潔所以交神明之道也凡爾執事者得無成焉自  
今奉郊廟行事文武官於致齋日並澣沐浴澣濯衣服務於虔肅以

供祀事敢有違者並以不恭論宜令御史臺專行糾察

誠飭士庶子弟甥姪等詔

太平興國六年十一月癸丑

周設鄉飲之禮以序正長幼漢立孝悌之選以敦勸人倫應內外文武官及兩京諸道州府士庶子弟甥姪等方屬承平宜仰誠諭自今州縣長吏伺察卽內有輕薄無賴孝悌有虧貨幣田園起隨捕博宗族所共棄鄉黨所不容者並當嚴加誘掖俾之悔改其間義不服為惡務然者即須除其姓名以聞當議其於刑辟亦不率者以告蓋有格言致比屋於可封用成至化凡爾中外咸體至懷

誠約同僚連署奏牘詔

雍熙二年二月戊寅

朝廷選用賢能分膺事任必資公共以副憂勤向者駢事同僚多不連署奏牘自今並須同署永為定式

約束州縣長吏不得出家辭詔

雍熙二年六月辛丑

古人云父母之名耳可聞而口不可道則知卒哭而諱止可施於私家閨門之事豈宜責於公府如聞州縣長吏頗以私諱責人甚無謂也自今內外臣僚三代名諱只可行之于已州軍長吏不得出家諱新授職官內有家諱者除三省御史臺五品文班四品武班三品已上許准式其餘不在改避之限

約束轉運使副不得以壽寧節赴闕謁

淳化元年十月丁卯

方伯連帥之任以糺率諸國刺史州牧之職以澄清列郡斯周漢之制也國家擇方正之士領漕運之權實奉詔條勸恤民隱刺舉官吏得用三尺之法半籠蓋鐵以集九年之儲其才甚難所掌尤重固宜夙夜匪懈朝夕在公豈可不守攸司擅離所部或因載誕之節輒以入覲為名陳課最以希恩獻文章而干進叛官離次莫甚於斯自銜自謀亦孔之醜宜仰約束以謹貪叨自今後諸路轉運使更不得已

壽寧節來赴闕仍不得輒獻文章其民間利害及合廢置整革等事  
只令實封附傳以聞必預面奏者別聽進止

約束轉運使詔 淳化三年正月戊午

國家擇幹蠱之才領轉漕之任生民繫乎舒卷國用倚之盈虛百吏  
承風在舉措而宜慎三年會計固黜陟以是行苟無課最之文曷伸  
懲勸之道應諸道轉運自今釐革庶務平反獄訟及貨財盈羨飛輓  
解集有利於民等事並令所在州府軍監每歲終併析以聞非尤異  
之績者不得申舉

約束諸司行事不得輒稱聖旨 淳化四年四月己卯

國家庶務至廣蓋先於有司舊章具存必求於故府近日中外官吏  
不守章程凡有舉行多有斟酌奉聖旨舊臺鳳閣既來降於勅書金  
科玉條入麻于於律令即有乖忤無所辨明自今諸司凡有舉行不



得輒稱聖旨違者致其罪焉

誠約劍南招安使上官正詔 至道元年五月

言者君子之樞機也樞機之發崇腐之主禍福無門唯人所召不可  
以不慎遇事輒發悔不可追至若劍南遺妖尚未殄滅庶民未得按  
堵朝廷未得高枕其誰之罪乎汝律身節下雖為允當然為之首領  
如有聞見善惡但當密具奏陳不令喜怒形於顏色使巴蜀官吏各  
安其所豈不善乎

誠約知襄州給事中劉昌言墮書 至道二年七月壬子

制詔劉昌言國家徵納租稅以資國用宣布律令以肅天刑三時之  
限甚寬畫一之法已定何乃妄率冒臆作為聰明不循舊章擾亂經  
制廢格明詔建立新規故怒於民莫斯為甚自今敢離叛官次背棄  
詔條常遺薄責不復恕也

誠訪轉運職事詔 咸平元年六月己亥

轉運使副之職在乎督領統計貨儲察官吏之能否訪生民之利病  
至於招諭流徙勸課田疇理獄訟之寃提簿領之要其責所重其務  
定繁苟非循公減私正已率下則宵旰之寄何所望焉自今若是職  
者如有灼然功行為衆所推朕當不吝美官特與升陞其所蒞濟集  
康幹有間亦當復委潛翰或授計則優其休入聊以賞勞如但事依  
阿安行威福因循曠職貪虐害人大則正以刑章小則黜之撤地信  
賞必罰朕不食言兼委憲司察訪彈奏

令三司毋得增加賦斂重困黎元詔

咸平元年八月丁亥

方域至廣邦賦實繁責在有司抑惟前典今通逃罕復租調弗均閭  
市之征權酷之利逮于山澤之產咸助軍國之資宜令三司使以下  
同經度件析以聞歲用所須無俾有闕勿得增加賦斂重困黎元務

在酌中庶令經久如諸色經費宜從節約并未盡條件亦開析陳奏  
無或顧避玷予東求

令三司大事合降勅者乃奏詔

咸平元年十月甲辰

國家擇能於朝分掌邦計財用出納自有常規宜任攸司庶無闕職  
自今三司有大事合降勅處分者仰三部職官同商量可為永制乃  
得聞奏如施行後復有不當必重行朝典

誠諭群臣詔

咸平二年二月己酉

朕猥承宥命嗣守洪圖思得正人式恢神化用懸爵賞以勸勞能蓋  
有善而必旌亦無功而不報至乃自下升高之序揚清激濁之方凡  
百搢紳固當知悉又何嘗親近者有違而不罰疎遠者抱器而不伸  
而仕進之人風猷尚薄頗聞趨乾亦事比周宜錫諭言警其流較自  
今文武群臣中外有位宜堅操業自取功名苟習前非必加厚誡仍

身如刀割心不亂

今御史臺章切糾察以聞儆或依違亦當無責誕告百辟知予惠焉

宋朝大詔令集卷第一百九十一

政事四十四

誠飭二

誠約上疏者詔

咸平二年四月辛

昨命有司奉行中詔廣詢謀議不聞易堯異沃虛懷以資闕政洎陳  
封疏特用詳觀其言合古今事閤利病尋加聽采亦命旌酬而不逞  
之徒邇來甚衆駕有詣闕接踵叫閤述閤閤猥近之談希朝廷褒進  
之澤至有倩人作奏惜術陳詞匿在己之罪名與有位之誣謗朕心  
不感而詆說可憊慮長澆淳宜仲警誠令登聞檢院自今凡類不得  
收按

誠約轉運副使請事宜保舉移易官屬詳審詔

咸平二年八

月壬申

朝廷以州郡之事委漕運之臣提其紀綱按以條法凡所上請理瀆  
盡公亦有不協便宜虛煩令殊乘倚任持用申明宜令諸路轉運司  
使副自今起請事宜及保舉移易官屬皆須重復詳審委是公私利  
濟無所徇私乃得聞奏常務降勅施行如異日事有非當必行重責

誠約三司詔

咸平四年三月丁酉

漕運穀帛供倍邊防三司本職也如聞通來頗舉舊制凡所經費責  
在外司將何以調發軍須餉餉兵食以茲計國甚無謂為宜申詔條  
伴恪官次儼聞設闕必振典刑

誠約三司收掌簿書不得遺失詔

咸平五年四月壬午

財計之司蓋謹於出納官吏之職宜較於耗登爰自近年頗聞廢職  
每詢金穀之常數多稱簿籍之不存用警因循更申約束宜令三司  
自今收掌簿書不得遺失歲終比較次年條奏及取天下戶口數置

籍較定以聞

誠約規避避適詔

咸平五年九月壬子

如聞川峽官吏使臣規避避適同作因循不務協和速期受代宜從  
諭旨式誠慢官如後有違當勒勸責罰就移遠處

誠飭中外官詔

咸平六年六月己未

朕選推群材敷求至治出臨民政蒞戎昭恭元有力精之勤以軍旅  
奉戍邊之夜念其勞苦切在無綏緊乃具僚實膺榮寄宜思公共副  
我憂勤而有憚其重難意在規避或交構生事不務協和或幹濟有  
聞故違曠失苟求移替自取便安頓紊典獎何名仕進特頒告諭用  
警依違勉警公忠必均勞逸自今如有此類達朕聽聞當遠推窮嚴  
加誶斥屏諸遐遠以戒流浮

誠飭中外官詔

大中祥符元年正月己卯

朕夙承先訓仰紹丕基藉二聖之詒謀奉三靈之眷命撫御億兆不  
敢怠違慮一德之未孚或吳倫之斯歎每勤聽斷冀治和平方采若  
厲之懷遠禁誅之慶降靈書於旭旦觀嘉瑞於上春示卜年卜世之  
祥敦惟靜惟清之化叙約法懲姦之訓彤爰民濟物之言無方而來  
如響斯答載念昭回降監授我以真符華喬宅心以奉我為元首益  
思祗畏仰副高明更勤恤於黔黎愈勵精於庶政然而君臨四海方  
寓大同日有萬幾安能獨治邦國之務寤寐以思允資文武之蓋臣  
共致淳熙之蒸化矧百工時叙本無曠於庶官群士響臻非借才於  
異代必藉衆賢之助以躋至治之風是因做懼之初特中戒諭之意  
若乃典司衡軸翊贊樞機百辟具瞻萬務攸出既中外之閱決因一  
二以諮詢所宜獻納謨明彌縫罔漏佐佑皇極斟酌化原知無不為  
寶相以濟祥刑之署掌法之曹宜盡哀矜務從平允必期當罪勿用



深文使無寬人足自和氣至於群有司之職百執事之人當念交修  
罔或曠事逮夫牧守之任綏養為先清覈之司澄清是寄託于令宰  
實乎吾民所宜撫卹疲羸蠲除苛酷布寬大之詔流愷悌之聲決獄  
務盡於詳明為政率遵於簡易體察天眷克副予采其有總管牧之  
師當將領之職撫循士伍當養戰雄訓練在乎必躬力役戒乎無度  
筦榷之利閔市之征宜奉詔條恰居官局無恣措越以求美饒載於  
簿書用為課最財幣之有欺沒自可振明貨殖之務流行勿為苛細  
咨爾紳士逮於具寮共敦匪懈之方庶叶大中之道布告遐邇知朕  
意焉

該飭文武官書麻解由無得虛錄勞課隱漏過犯詔

大中祥符元年

三月  
癸未

國家並建廉官分治百職每稱名而責實真獎善以勸能屢降詔條

俾書課最委攸司之參校稽善狀以甄升亦有竊覲恩妄增功緒以靡愆醜行亦改獎章思革弊風用頒嚴戒自今文武官書麻解由無得虛錄芳課及隱漏過犯違者重寘其罪

王英等坐昧抵死誠約天下詔

大中祥符元年四月癸丑

近者澤州晉城縣令王瑛巴州其章縣主簿苗文思皆在法受昧坐罪抵死令寧之仕實守吾民而長恐不悅騎貨斯甚自罹邦憲玷官常用軫懷特從中赦勉思廉恪無冒條章宜令刑部告諭天下

出京朝官誠詞

大中祥符元年四月丁丑

昨以祥符昭錫靈命惟新示治國之宏規表自天之景福仰膺丕貺思改其餘汝等委質策名並官從政宜罄公忠之節用符慎簡之心察俗者直清而無私臨民者惠綏而勿擾決獄訟者務於平允宰財賦者戒於煩苛體予恤隱之心用叶大中之道各加砥勵無冒憲章

幕職州縣官誠詞

昨以寶錄騰文天心垂裕示保邦之格訓昭治世之宏規歎奉鴻休  
思做具位汝等咸居祿秩並荷寵靈所宜念學古以入官勤立身而  
行道在賓幕者裨贊是勸仕州縣者撫養為先折獄在乎審詳議法  
貴於明慎勸乃風宵之志布于清靜之風苟有政能何忝升獎

誠約厲辭浮說令欲雕印文集轉運使吳文士看詳  
二年二月庚午  
大中祥符

國家道蓋天下化成域中敦百行於人倫開六經於教本與斯文之  
復古期本俗之還淳而近代已末厲辭之弊後靡泯甚乎說相高忘  
祖述之大猷說雕之小技刻爰從物議俾正源流咨爾服儒之文示  
乃為學之道夫博聞強識豈可請非聖之書修辭立誠安得中作者  
之制必思教化為主典訓是師無尚空言當遵體要仍開別集眾弊

鏤板已多，儻許攻手異端，則亦誤於後學。式資誨誘，宜有甄明。今校屬文之士，有詐涉浮華，玷于名教者，必加朝典。庶復素風，其古令文集，可以垂範。欲雕印者，委本路轉運使，選部內文士者，詳可者，即印本以聞。

文臣七條

并序大中祥符二年十一月丙辰

列辟任人治民為要，群臣授命奉法。若先朕勅，擇滴良撫綏，恭獻慮萬方之未奈。每終夕而疚，裝示以詰條，仰惟舊典，守而勿失。政則有成，無曠庶官。期善修於職業，慎乃出令。爰親述於訓詞，勉副于心。各揚兩事，今賜諸道收守。及知州知軍通判知監知縣七條，加左一日清心謂平心待物，不為喜怒愛憎之所遷。則庶事自正。二曰奉公謂公直潔已，則民自畏服。三曰修德謂以德化人，不必專尚威猛。四曰責實謂專求實効，勿就虛譽。五曰明察謂勤察民情，勿仗賦役不均。

刑罰不中六曰勸諫謂勸諭下民勤於孝弟之行農桑之務七曰革弊謂求民疾苦而整革之

武臣七條 并序

夫禮存九法傳載七德皆將帥之任軍旅之政朕以維珍治定放怠也武經常訓習於戎昭用安和於師律緬惟委典實著昌言因取則於前文俾將領於明制言不盡意聊舉於大綱令出惟行幸期於可久凡司兵柄共體予衷今賜諸節管鈐轄都監監押駐泊巡檢等七條如左一曰修身謂修傷其身使士卒有所法則二曰守職謂不越其職侵擾州縣民政三曰公平謂均撫士卒無有偏黨四曰訓習謂教訓士卒勤習武藝五曰簡閱謂閱視士卒識其勤惰勇怯六曰存恤謂安撫士卒甘苦皆同常使齊心無令失所七曰威嚴謂制馭士卒無使犯禁

誠防法寺提轉詔

大中祥符五年三月丙辰

尚寺法官轉輸刷任處斷貴於平允巡按籍其詳明選推俱優詔條  
條具至於別詢朝列兼命廷臣伴提轄以是司亦慎簡之攸屬所宜  
肅清封部糾察尤違正逮捕之汝彰絕徑牢之淹繫如開興曠未副  
斯懷既用於憂特行戒諭自今審刑院大理奏案情狀已正條目未  
餘不至妨閱者並即斷刑事須駁退者件狀以聞轉運使提照刑獄  
官得百姓詞狀法寺疏駁事因即時詳定開奏如有疑闕即選官審  
復或情理枉抑未盡始得推鞠若止是小有未脩元勘官更不問罪  
務在獄不可投柙服意焉

誠約同事不得任情偏執不循理道及私忿不和詔

大中祥符五年

八月  
丁酉

分命臨民具存於條教同官聯職宜守於士風苟推公共之心何爽

協和之理而罕由恪慎多致紊煩特因上言重有戒諭自今文武官  
在任同事並從長裁遣和任情偏執不循道理及用私忿不和者轉  
運提點刑獄司察舉以聞當遣官辨其枉直而重責之如不即察舉  
並罰之

責董榮等戒勸百官詔

大中祥符七年六月丙辰

朕精求政治總練群材思欲吏稱厥官民受其賜而董堂王文龜等  
榮參著位任忝字人不畏簡書逞其冒臆或安於忍毒醜酒以溢刑  
或恣乃貪饕受財而鬻獄並投荒服猶屈刑章凡百案察所宜中戒  
無循獲愆以踏嚴誅

誠約奉使詔

大中祥符七年六月己未

比擇使臣承受造奏其於成飭素已丁寧苟無曠違亦有升獎既則  
於於事實多不稱於選掄近河東路供奉官李崇政西川路侍禁張

仲文增減上言張皇動眾已降職及勒歸班差遣記其自今所差內臣三班使臣充職者如能行止周慎奏報允平當議特記姓名優典差使或增俸給其有明負才識深察微穢宜規度之間實有裨益者亦當列示陞擢故茲戒諭使聞之

決配崔白誠勸民庶詔

大中祥符八年八月己卯

輦轂之下務在澄清狡思之徒固宜屢逐崔白冒名儒素植性狡頑業以姦凶濟其譎詐日蔽雖刀之利恣凌孤寡之民規其室廬迫以刑憲既從吏議盡伏巧誣已正嚴科用懲惡黨伊爾氓庶無忌戒茲

諭陳克咨詔

大中祥符八年十月庚寅

知未與軍府日所為乖當聞於朝廷除用刑慘酷外至如置武庫建視草堂開三門築甬道早晚衛令軍人執極左右階引馬隊夾教陣率禁軍出打圍皆非人臣所宜喧於眾論要有聞奏非獨樂黃目



也朕念卿母氏耆年克叟朝夕近侍未欲窮究遂以元奏下問且言  
乞不施行近克叟又據啟恩求為甄收成命既出群言愈甚而曾不  
內省但曰為人所傾自今當體國恩畏茲物論或如終不知智尚乃  
怨尤再致群言達於朝廷則帝以前後事狀盡付有司

宋朝大詔令集卷第一百九十二

政事四十五

誠飭三

誠勸臣寮及子弟詒

大中祥符九年七月癸亥

朕恭已守邦側身思治常稽古訓用輯政經所冀化洽隆平俗躋仁壽言屆收成之序共忻豐楙之祥遽宵螟塚蒼傷叨私載詢往膠祇考格言以為部吏侵漁則孽蟲食稼一昨黃沙捕絮丹筆致刑或宰邑中穢或頌條列郡受賕曲法廢罪寔繁忘公徇私為蠹茲甚儻遵常憲當寘嚴誅尚表好生俾投荒裔式觀農惠倍惻予懷益念萬里臨負誠難編察于官治行豈易周知其有填壑無厭搜金罔顧抨彈糾舉稍觀望而紘言老弱卑謦諛怨咨而曷諱雖終聞於彰露亦已致於瘡痍得不和氣有傷嘉生為疹矧復挾姦之子弟輒依莅職之

父兄極肆營求詐謀受納其弊尤甚在法曷容夫以賍論卒自昔彌  
峻漢朝之制禁錮終身唐室之初貽累沒齒士大夫生逢盛世名列  
清途當思刻勵以奮揚安可貪饕而淪棄特申勅勗期叶澄清自今  
列位臣寮承家宗冑宜思畏慎勿玷素民苟美譽之有聞因褒升而  
不恢或訟辭之顯拔求末戢以無階如監統之官自虧於奏劾則見  
知之律必舉於朝章朕罔食言人具欽聽咨爾宰府奉而行之付學  
士院以此意降詔

詔約犯賍官詔

天禧三年  
九月甲戌

選調之官頗多貪墨若建慶宥再被恩榮泰外郡之政經蒞遠方之  
民庶尚聞賄貨鮮克懷心再示矜宥特伸成勅自今應犯賍注廣南  
川陝蕃臧州縣官委逐路轉運使當切覈察如更犯賍罪永不得叙  
用

誠防中外詔

天禧四年四月丙申

國家撫御寰區務臻於嘉靖修明紀律用協於大中苟多辟之自貽  
故常刑之同捨惟彼全齊之壤有茲豪右之家志在兼并力恣兇暴  
乃於親屬之內肆其屠害之心規奪資儲巧避姦慝且廣行於昧賄  
真幸殺於全安矧彼憮民為其利誘誣構官吏妄興訟詞罪咎既彰  
訊鞫皆驗顏前敗類已正嚴科而守土之臣按章之使因能舉察並  
示降懲尚慮溥率之間民俗攸眾或虧檢慎自招悔尤持軫至懷中  
申誕告夫大易之訓積惡所以滅身洪範之文好德所以逢福儻弗  
遵於誠諭尚輒縱於踰違彛章具存嚴譴何道至於荷班條之寄分  
按部之權惟教化之是敦且康求之位屬罔循職守常舉簡書期共  
洽於澄清必無私於沮勸咨爾臣庶知予意為宜今尚書刑部尚書  
三京諸路揭榜示民

誠約在京諸司免常朝者早起本司詔

乾興元年六月乙巳

國家稽古建官分整庶務所宜盡瘁毋曠攸司而因念夙宵多或違慢爰申戒告以儆因循應在京諸司免常朝者自今並早起本司仍令宣徽院御史莖入內侍首覈察以聞

朕丁謂諭中外詔

乾興元年七月甲午

國之刑法蓋用閉邪臣之廢忠茲為弗令丁謂向君必窮合副脅毗而乃耽狎故巫蓄蔽私第既親形於頌述仍假託於神靈陰肆醜圖締連尊寺詐設休咎罔惑朝廷當先帝違豫之初洎朕躬繼服之際務申私欲將竊朝權跡脩見於姦訛言動形於毀斥究其陰毒深駭聽聞向雖坐以此周聊行譴出群譁未塞棧愆愈深蓋速其存包藏盡露罔人神之共憤在典憲之弗容豈於舊臣靡念有終之訓顧茲巨惡敢措心罰之文竄屏遠方以懲不類布告中外成使聞之

責曹瑋等諭中外勅

乾興六年二月戊辰

為臣之方罪莫大於懷貳御邦之道罰莫先於去邪朕初紹洪基用明丕律懲茲宿惡以示不私冠罪久服顯榮荐登台弼性惟懷疾志貯姦傾曾罔念於口恩乃輒思於不令潛交逆寺陰濟凶謀竊發有期禍萌遽露賴忠臣之協力致元惡以成擒蓋左分明包藏盡見李迪驟升鉤宰益出災緣極品阿諛公為黨庇伊醜徒干紀之際屬先皇違豫之初惟此震驚遂沉劇感今追往撫事原情懲咎而若斯人靈同憤傾者或止從末戒尚掩深愆未塞輿情屢興讜論繼承在且號令惟新方當守法度以奉前猷端紀綱而肅群下顧茲蒐懲宜示正刑况復獲罪先朝朕安敢捨其愆非李迪各從遠謫猶未寬寬諸朋附之流咸顯回邪之狀據其險倖合議竄投但以適布慶恩聊行遣黜冀符公議載舉國章天守正者乃介福而是庸作孽者必速

屬而難進吉凶視乎所履感賞在於必行式違四罪之規以清多辟  
之類布告中外成使聞知所有曹瑋周起王隨王曙欽度等已各第  
等責降並從別勅處分今使御史臺及都進奏院通行告示并下開  
封府出榜曉示宣徽南院使鎮國軍節度觀察留後曹瑋責授左衛  
大將軍容州觀察使知益州尚書戶部郎知青州周起責授太常少  
卿知光州給事中知杭州王隨責授秘書少監知通州給事中知汝  
州王曙貶授檢校水部員外郎鄂州團練副使兵部郎中知光州欽  
度貶授檢校水部員外郎和州團練副使衛尉少卿知安州杜克臣  
責授尚書虞部員外郎監鄂州蒲圻縣酒稅務尚書兵部員外郎知  
齊州段惟幾責授太常博士監新州酒稅務秘書監張子昂降授大  
理丞護國軍節副朱暹為寧國軍節副懷州團副梅詢為池州團副

與丁謂往選人不加罪詔

元興元年  
七月壬辰

朋黨必罰既懲不恪之人省罪從輕亦廣自新之路昨日丁謂階緣  
任用拜駙凶邪恣驕朝章已泯邦憲其有罔循公正素扶比周跡狀  
具明典刑難恕例從降黜祖塞群言如聞仕進之中尚有交私之類  
苟盡從於例吏議抑深軫於予懷特示寬恩仰令昭滌其內外臣寮  
有曾與丁往還者一切不問

誠告貪汚銘

天聖元年十一月

國家慎擇才能分釐事任所宜奉循邦憲恪謹官常比有貪汚之徒  
公為姦黨之獎稽于明訓合正重刑尚儆微生止投遠服用中戒告  
以儆群倫

約束文武臣僚子弟詔

朕以世祿之家堂構是荷期於樹立以脩獎諭顧惟文武之臣方居  
要重之地乃有子弟汨乎族姻或在外邦分掌庶務必當奉循法理



祇畏官箴內無忝於門風上可俟於朝賞其或罔思於慎稍愆尤違  
所在轉運使州府長吏不得無拘額情公為掩蔽印酒舉按用正典  
章僅若廉謹有聞政能可獎亦許餘其事實明具為論善否之為無  
陟斯在尚監司之弛職因常憲之難逃各念衰修務茲勸勵

誠諭內外官詔

天聖九年十月丙戌

朕遵列聖之謀荷慈宥之于茲八載雖致小康而指紳之間以名節  
罔勵致臺文之上奏謂文議之不密於勞者掠美以進名布進者行  
險以激寵敵誣執政干撓育司分屏翰者或奏請之靡厭主按察者  
或寬縱之為得貪而無恥姑務營私老而非材曾不知退跡廉恥之  
未飭致風化之靡醇臨朝以思於朕何望用稽吳訓中做群倫苟少  
冒於官箴將自投於公憲布告遐邇體朕意焉

誠諭不得言垂簾時事詔

明道二年五月庚酉

朕結膺先緒統御群方聽治萬幾俯臨一紀大行皇太后夙承先顧  
保佑冲人勤約之風化流海內務極焦勞之思怨德胥理之和永惟  
慈顏仰聆遺誥盡用祖宗之成憲斯仍邦國之大端朕哀迷之中敢  
忘遵奉九辨令之所出或聽斷之從宜蓋機務之寔繁雖財食之無  
暇賞善罰惡惟命令之已行革政易新非孝思之所至易月已臨於  
庶政虛懷真納於讜言其有罔識遠圖靡循理體違予聞聽姑務矜  
容多形瑣碎之言復有迎合之意宜申誠勸以警奸回應大行皇大  
后垂廉日其所行詔令及除改已誣施行通諸般公事即不得輒有  
上言庶永先猷式敦本孝善有可採必示聽從謀之弗臧詎可輕肆  
咨爾中外體朕意焉

諭約不得妄請刪改宣勅詔

明道二年五月己丑

王言惟命君舉必書將信四方之傳用垂後世之訓儆教更於成憲

別欲惑於衆聞自今朝廷所降宣勅不得妄請刪改如事有未便即  
委中書密院奏聽裁

令不得追撥妨農詔

景祐元年七月

仍嚴歎飢民急失職令秋稼甫登方事殷糶毋或追撥以妨農時其  
州縣刑獄須至證違者速為決遣之

責孔道輔等令御史臺教榜朝堂教

景祐三年五月丙戌

近以中宮遺失掖庭具知特示含容未行廢黜置之別館俾自省循  
供給之間一切仍舊誕告有位令悉此懷而道輔請不降詔命以示  
中外神譴之上言所降詔命乞不宣示乃是以宮壺之事不欲彰聞  
尋即允從更不宜布昨日道輔等十人忽詣殿門仍先將劄子付閣  
門稱中宮動搖上疏請對直露事狀曾不諫封傳布喧然不駭物聽  
即與前來乞不宣示翻覆不同每聞直言無不聽納何得但思沽激

其扇流淳若云密上封章又即辟諸禁閤若云而陳獻替又即布露  
有司頗輕肆之若茲在典刑而難寘尚推寬宥止蒞方州其孫祖德  
等雖無翻覆事端終是同茲易且各罰銅二十斤放仍令其御史臺  
於朝堂出牒曉示各令知委及都進奏院通牒三京并諸道州府軍  
監縣等

勅勝朝堂 同上

為臣之方愆言妄上者苟辟行己之道扶私立黨者必懲罰於舊章  
敢廢公議范仲淹北緣獎擢驟委劇煩因畏官守之慕專為鴛鴦之  
趣套迷狂肆疑駭衆多既妄露於薦稱仍密行於離間本於跡卒但  
志欺欺降守方州尚寬獎憲然念士操之笑踏道是先職局之分出  
位為貴爰從重歲多恃此風投仕者以宿業為嗤獻規者以服惡為  
得沽激名譽協比朋僑務聘請辭有玷醇治昔周以百官懲闕無越

職之文唐以判最解材無侵事之舉咨爾多士各微攸司勿捨己以營他勿背公而稔弊排根引重奚習多岐銜直奸私寧或取悔勉思中正之言靡踏踰之薄尤咸自敦修以析朕意

誠勵士大夫

諡寶元元年十月丙寅

夫至公之行則淑慝咸辨私議弗禁則風俗易偷朕躬親樞綱茂綏政治每觀邪正之分思寄誅賞之公庶臻大猷以止多辟而士類至廣材品或殊久服含養之仁浸成黨與之弊至乃挾朋相援姦計自營驅扇颺塵混淆朱紫託狂肆而市直結陰奸以濟仇章交公車聲布行路使濟濟相讓取愧克人之封翁翁煩言更興周雅之刺永惟澆兢良用慙嗟若夫委質事君協恭宣力思無出位是曰守官和異於同同當擇善况朝經式序仕次有階因行察言緣名責實苟存忠潔自致頭榮何心舍闕凌塗踏于險鞅約名汗行觸禁投愆宜內訟

於非心無亟傷於至化尚安所習國有嚴科凡在搢紳明體朕意

馮士元獄具責官誠諭搢紳

實元二年十一月癸卯

朕惟京邑之繁實為群國之首豈容姦吏久寔嚴科而被檢厲之間  
曲為營救之術遂移風憲鞠見獄詞不圖左右之臣生汙簡書之責  
盛度樹蔭舊望世冠極庭罔厲直躬但謀私欲委令賤吏侵借民君  
程琳甘尸正於神數嘗昵近於枚幣密為計詐欺罔切孤規取符文  
市其第舍孔道輔職常絕按志務由私從寬首惡之辜陰為有位之  
地嘗獨求於間見殊自失於公言朕體貌近臣重其進退難思含垢  
曷弭頌言已行責守之文庶幾為臣之道尚慮搢紳之列未詳罷免  
之由宜暴罪原申翰朝聽

詔約按察官

實元二年閏十二月甲辰

朕臨遣使臣網理郡縣懼其弛職尚或容姦亟嚴黜發之科仰諭寬

縱之生念部封之至廢或隱伏而難知稍紆舊條毋或自辯自令轉運提刑若部內知州軍通判知縣兵馬總管都監監押幕職官一員餘官二員知通若部內官一員犯贓至流而失於按察以致朝廷未訪民吏訴論或抑文臺彈劾者別聽旨施行

誠約于寵內降詔

康定二年二月甲辰

朕並建衆職茂經大猷每惟授任之難必稽材賢之舉功遷歲考率若通規比有著籍閭臺服榮軒陞階緣近習奔走多塗或密附封奏求從于中出或間因奏對輒露於私祈忌愧自矜于寵非節已頒明制深歛具條奠服攸戾毋冒厥罰而戎彊勤戍使指脩行意當昭道之初更多障觀之請雖存恩假終弗公言顧未正於典章慮並滋於浮覲特申詔諭再肅群倫

誠約舉人不得進獻違檢及軍國大事妄希恩澤詔

康定二年三月七日

朕總制萬樞博謀多士欲言路之無墜庶賢材之靡遺向以都兗未  
平邊候備警遂詔萬國旁求應諭使各舉其所知或上封而自薦訪  
諸蕃之要領采舊學之機鈴章交公車杜中銜石間亦從於試藝蓋  
罔失於類能考覈頗精得失相半洎聞報罷乃或怨尤造秀設科茲  
雄行製鄉品以議行居選貢藉以甲第為高宜與計脩登榮仕路自  
今舉人並不得以進獻違機及軍國大事為名妄希恩澤



宋朝大詔令集卷第一百九十三

政事四十六

誠飭四

誠諭三司使副判官等協心營職毋或因循慶曆三年五月戊寅

經國之方理財為本上以奉郊廟下以贍軍師而三司紀綱久不振舉屬以邈闊未靖用度甚廣軍湏所急民力猶煩三司使副判官等其協心戮力思營厥職毋或因循以踵流弊

誠約兩府省不得陳乞子弟親戚館閣任職詔一月於未

國家考漢唐之制欲圖書之府以待賢俊而脩討論地望素清官曹仗域比來公卿之族多以恩澤為請荒養資望坐致頭榮廢成洩肩之厥殊匪詳延之意特推嚴禁以示至公自令見任前任兩府及大兩省以上官不得陳乞子弟親戚於館閣賦任其進士及第三人以

上一任回撫過犯者須進經術十卷下兩制看詳可否召試入優等  
得除館職或館職闕人即以嘗有兩府臣僚二人或大兩省已上三  
人嘗係薦者亦令進文字然後試補之

誠飭在位

慶曆四年十一月已巳

朕聞至治之世天下向方元凱共朝不為朋黨秀杜相濟不為比周  
君明臣哲垂榮無極其德之欲也朕旰異宵寐每用庶幾思所取法  
未知歛路而承平之弊澆兢相蒙姦從去生為逆情動假王爵布  
為私恩所惜則同口共譽取一切之快所善則併辭迭譽布木次之  
遷逐乃人務交游家為激訐至或陰間納賄之情陽託薦賢之法居  
下而圖柄臣順非而動偷俗附離文府流蕩志遠更相投接以沽聲  
譽由是士人以行恠為美辭賦以訕上為能放肆異言詆斥前聖謹  
流群口虧紊暴倫又頃正按察之名蓋謹推擇之選俾將明命以慰

多方而奉使不稱繩愆過當恣苛刻以搖群怨察纖微以構罪端守  
倖則互責刺廉令尉則更容伺察上下疑貳奏鞠交橫未益治平之  
風反成多僻之暴向申飭戒殊未奉行朕疾夫為國生事之徒背公  
死黨之俗推狂濟果去簡成煩况長吏者務在全安刺舉者素有條  
禁民如馭馬安得駭驚理猶亂繩豈宜遲急當求大中之道漸至清  
靜之靜至於屬文之人體要為尚苟專非聖之論寧免疑衆之誅自  
今有詭激逸名薄連茹察淵以害良善倚法而峻誅求雷同私論  
營同朝聽並委中書門下御史臺掾察以聞故當責其不悛懲乃攸  
類罰之無赦令在必行咨爾有司咸體予意

誠勸士卒詔

慶曆四年十一月庚午

主兵之官皆有牙隊帶器械以從護之其獲賊不用命而致陷沒主  
將者自今人雖衆並以軍法論苟能顯立功効亦當優拔之其令諸

路總官司嚴申飭戒

誠百官舉行真宗文武七條

慶曆四年十一月丁酉

湯德至誠著具做之言漢功方茂下背責之詔于時中外協謀以趣  
太康朕顧眇躬託王公之上明弗能燭政有未通每念付畀之勤陞  
平之紹日慎時惕罔敢自安庶臻至治無羞先烈是以畿府州軍監  
縣之長君常推擇部分摠督屯選之委一皆僉求亦冀羽翮參翔股  
背偕奮手足迭扞心膂獲寧今乃聞郡邑庶官未能稱職紀律廢  
真偽混淆或自謂謹柔既聚集事或矜為強濟又匪恤人或朝夕詭  
激而望遷除或歲月因循以濟貧冒或廣飭厨傳掩篋蓋之清或曲  
奉監司逃簡書之劾緣令作弊倚公殖私頃者以邊鄙未寧師旅累  
出既不獲已調發於民隨輒戒勅勿令騷擾然而科粟米漕民有一  
錘之費疋帛暫輸更有教縑之入與我共此所望責成而為上歎怒

任將安竒以至盜賊屯結公行劫掠上下畏懦弗能擗討驚駭間里  
盜弄靡兵士非素習之專患無預防之禁永言茲弊寧安朕懷跡夫  
弊生實始官濫恭以先皇帝克著明德達見治宜親著七條垂戒百  
執每辭去之日並令拜賜閣門凡從政于外舉得奉行群臣亦有刊  
石傳文適屏示庶朕以為既能尊戴曷若踐言幸獲親聞便當立事  
其外任文武臣僚等自今後以來務革前失才進新圖以聖考七條  
更相勸勗置朕此訓亦須研尋為仁由己取則何遠上尊甲先之諭  
次謹申命之虔攝而頌綱緘我漏目使美績歲茂善狀日升則隆名  
顯朕特何怯必若森宥弗率農政卒菜論報誣寃寃徭役重困不恤  
士伍不訓武經邦有明科朕當必罰咨爾有眾無謂食言

誠飭傾危詔

皇祐元年  
正月辛酉

朕聞自古為治靡不以苛察為戒而近歲風俗多傾危事獄訟滋多

上下嗷急傷累和氣朕甚悼焉自今臺諫官非朝廷得失民間利病更不許風聞彈奏違者坐之

約束內降執奏詔

皇祐二年九月辛亥

朕紹承峻烈祗服先猷蹈道以臨庶邦憲而持大柄取之予謚奪正以賞刑悉任至公靡容紊法比有儉悻輒肆妄圖或過分求恩或負罪希貸率求內出間亦舉行憲政虧風莫斯為甚雖屢頒於詔約曾未絕於私祈兼慮臣庶之家貴近之列交通請託巧詐營為陰致貨賂密輸珍玩實緣結納侵撓權綱方務澄清密嚴謹約儆復違犯斷在必行重念成湯以六事責躬女謁苞苴之先戒管氏以四維正國禮義廉恥之具張刻宗祀之消成厲祥釐之均被嘉興中外絀此非衷務于自新以隆至治今後應內降指將與恩澤及原以減罪犯者並仰中書樞密院并所承受官司具前後詔條執奏不得施行及臣

庶之家如有潛行財賄結託貴近者並令御史諫官覺察論奏咨爾承弼體朕意焉故茲詔示想宜知悉

貶唐介後勝朝堂

皇祐三年

卑圖柄臣下輒上爵干非已任侵及主權故堂陞之級易陵而朝廷之勢可動必資懲革以警群倫唐介推自朝行置於憲屬任當彈舉職匪薦延卿請問於朝指言執政恣行欺誣猶為翅容輒稱引於外臣求苟置於上宰尤彰狂妄駭聽聞且進退冢司差次賢行察人主之所任豈憲官之得專苟威柄之下核則權綱之上紊非切懲於厥罪慮益扇於茲風黜佐方州追違邦憲豈樂行此有弗獲焉朕念為君之難興言置器之重每臨政而顧治常懼德之或虧企聞納忠曷嘗弗諫咨爾有守咸恪攸司任言責者務思竭忠居官守者務謹成憲勿阿附而固上無銜沽以取名鑒處父之侵官省次公之越職

各守爾典免陷匪類宜令御史臺出榜朝堂

誠約僥倖陳乞任使詔

皇祐四年十一月己未

朝廷詔爵賞所以勸有功也而奔競之俗苟無得耻其何以享風俗乎自今僥倖陳乞任使者中書樞密院毋得以劄子豫給之

誠約不得進羨餘詔

皇祐三年十一月己巳

轉運之職本以澄清官吏綏撫人民豈特事已誅求以剝下乎有能盡歲入已致增盈者留為本路核用毋得進羨餘務寬民力以稱朕懷

誠飭在位詔

至和二年五月戊寅

朕祇茲駿馭厲精展政養茲文武之列所謂邦家之基惟古今治忽之常繫上下美利之分吁惟近歲荐致煩言以謂參顧問者間怵於私尸言責者或失於當道官無匪懈之恪專覲謬思薦士乘責實之



誠時容私謝至於命令之下以及詔除之行論議所投綱條益紊朕  
惟舜德之盛朕股有瘠載之和周道之衰朝廷多譏怨之恩咨爾周  
行之士遵逢至治之期與其涉險以微榮乃若訪躬而馴致爰中戒  
告以厲浚明苟迷修省之方寢長澆淳之俗必從吏議以正邦彝

該厲提轉誌

嘉祐二年  
四月丙寅

朕惟天下之重不可獨治付之郡守縣令而已郡守縣令之賢與其  
不肖不可編知付之轉運使提點刑獄而已比年以來郡守官吏多  
不奉法或貪恣日肆以為人患或竊耗民事以營己私或以苛刻為  
盡公或以寬縱為得計相習安此恬不為恠豈非轉運使提點刑獄  
務為簡易因循以至此乎又賦歛有常或增重之以為已勞刑獄有  
經或出入之以為已察使民寃失職于下千戾陰陽于上嗚呼若是  
豈朕所以寄任之意非比上章者屢以為言朕未欲則致于理乃其

不悅惟倖不縱有罪使貪夫不敢為慢庸吏勤于率職以惠綏吾民  
稱朕意焉如有邪革悉罰無赦仍令御史臺常加採訪彈奏以聞

厲百官淳祐

嘉祐五年  
七月庚戌

勅中書門下朕承先帝聖業託于士民之上歷日彌長顧德弗明永  
惟前王之治逸乎如不可跋朕甚愧焉夫和平醇壹之政行則民休  
美之氣應愴刻媮薄之路啓則民感慘之變生蓋夙化之感天下甚  
猶影響之相從也昔有虞氏之世衆德並事上下咸懌故書曰百僚  
師師百工惟時逮周室之衰小人受祿轉相非疾故詩曰民之無良  
相怨一方朕迹古治亂之繇靡不自近者始比歲以來在位之人乃  
繆戾乘利以飭詐激譽為智以樂分安節為迂或訐隱昧之道以揉  
或時聽或設危險之言以惑核主意或隄陵勢威勢下輕其上尚或引  
汲黨附私覲於公用泛潤之來日茲一日其勢莫之能還也士大夫

所與朕興禮讓厚教化之原者也乃趨尚若茲欲民遷善而日進其  
可得耶嗚呼為君難其逾於知人之難乎御史中執法嘗為朕言宜  
深詔執事以遏荒浮之風今思虞書之所進以為法覽周雅之所刺  
以為戒然匪更化道則未繇其令中書門下務采瑞厚忠實可以表  
勸風俗之士並進于朝以啓迪於朕心究其能教辨巧敢涉朋比之  
迹者必行放棄之罰庶幾朝廷清明百弊消弭以起治平治兩攸司  
其服朕命毋廢故茲詔示想宜知悉

宋朝大詔令集卷一百九十三

宋朝大詔令集卷第一百九十四

政事四十七

誠劄

誠約不得言人赦前事及小過細故詔

嘉祐五年六月乙丑

朕觀前代之稱治者君臣同心上下和睦人知禮讓之節俗無激訐之薄何其德之盛也朕雖勿敏常竊慕焉故夙興夜寐罔敢荒逸嘉與公卿大夫同砥斯道而教化未至澆薄日滋此者中外臣僚多上封章言人過失暴揚難驗之罪告衆無證之辭或外記於公言實內緣於私憤事多曖昧意肆訛欺苟誣陷於良善益傷薄於風化又赦令者所以與天下更始而有司多舉按赦前之事殆非信命令重刑罰使人洒心自新之意也宜申警勸俾務省備教而不愆罰必無赦自令中外臣僚如有輒上封章告人罪狀事非干已者並當鞠勅重

寘於法及言人赦前事若有司愛而為理者並論其罪以至言事之  
官雖許風聞宜務大體如事關朝政無憚極論以輔不逮自餘小過  
細故勿須察舉咨爾多士宜体朕懷

詔約臺諫詔

嘉祐六年

朕惟善治之主不自任其聰明以天下耳目為視聽守約施傳無蔽  
惑壅塞之失而濟之忠厚故王通平國風正也永念遐觀思復盛烈  
何嘗不聽訪群言端誠虛受傳之政体要於當然而取之衆則泛濫  
難察任之專則推擇易明茲用寄耳目於臺諫由公共而聽斷也以  
夫四海之廣萬事之繁臺諫數人不能周知固將詢及士大夫資益  
其聞見也其間傾邪險害之徒不惟朝廷義理所存所謂言彈廢稱  
進勢必施行輒徇已之愛憎依倚形似翦造浮語詆毀危切務聳動  
富貴之人必其聞達設或采用僭於封奏上營惑於朕師下震驚於

行志以之開納則措置罔中如其沮抑則論列不已紛亂就紀疵玷  
善良豈朕所以待士大夫之意哉夏后氏之時官師相規漢室之盛  
公卿耻言今過今吾士大夫間乃違古人厚重之守臨未俗薄惡之  
為其流漫不知止甚無謂也其令中書門下明揚朕訓開做群品務  
致脩於行實無遇事於言華以忠告善通為藥石之珍以厚誣巧營  
為風俗之戒好是正直共熙天工儻循猷風當中顯罰咨滿多士審  
吾志意故茲詔示想宜知悉

增宗學官仍令尊長率勵

詔 治平元年六月

雖王子之親其必由學惟聖人之道故能立身稽古大猷若時至訓  
粵三德三行之順有四術四教之崇歷辟承以自家刑國今一祖之  
後諸宗之支亦嘗著令于前命官以訓或兼職它郎或備位終年誘  
導非宜或裂無狀蓋命不持回事遂因循特詔近臣並薦能者使成

董而上講誦經書小學之居通達名數朝夕勸善日月計能固常新  
漬簡編致修志業與其趨異端而無守豈若就有道而自修居常謹  
思戒在中止所謂火成若天性習慣如自然顧禮義之方而尊長之  
誨內有懿親之表率外有明師之切磨懋進汝功用符朕意其子弟  
不率教約俾教授官本位尊長具名申大宗正司量行誠責教授官  
不職不能勉勵大宗正司察訪以聞

誠飭在位詔

治平二年五月乙丑

朕觀漢宣之治綜核名實而政事文學法理之士咸精其能維統之  
業盛矣朕家先帝遺烈懼德不明未燭厥理乃夙興以思嘉興公卿  
大夫厲精為治而屬天下承平日之久內外因循情職者衆未聞推  
利及民盡心於國者也徒累積歲月以幸其進又沽飾名譽以激所  
知縱其可道者亦不過務在簿書期會之間爾爾烏有功迹之異哉伊

欲教化施而習俗美其路無絲而朕何望焉夫貪墨苟簡者弗懲則  
端良敏濟者無以勸天子持賞罰之大公固將必行之且繇朝廷而  
及諸夏蓋至廣也匪丁寧而刺告之則曷以見朕願治之心序詩不  
云乎夙夜匪懈以事一人百執事其易慮孳孳各修厥職以稱朕意

勅勝朝堂銘

朕近奉太后慈旨濮安懿王令朕稱親仍有追崇之命朕惟漢史宣  
帝本生父稱親又曰親謚曰悼哉置奉邑皆應註義既有典故遂遵  
慈訓而不敢當追崇之典朕又以上承仁孝宗廟社稷之重義不得  
兼奉私親故祇即園立廟俾王子孫世襲濮國自主祭祀遠嫌有別  
蓋欲為萬世法宜權宜之舉哉而臺官呂誨等使者專執各稱王伯  
追封大國之議朕以本生之親改稱皇伯歷考前世並無典據進封  
大國則又禮無加爵之道向自罷議之後而誨等奏促不已念其未



行乃引漢哀帝去共皇定陶之號立廟京師于亂正統之事皆朝廷  
未嘗議及者歷加誣誣自比師丹意欲動搖人情銜感求聽以至封  
還告教擅不赴臺明繳留中之奏於中書流傳訛上之文於都下暨  
手詔之出誨等則以稱親立廟皆為不當朕覽誨前疏亦云生育之  
恩禮宜追厚朕祥禱既畢然後講求典禮褒崇本親今反以稱親為  
非前後之言自相抵牾雖以克俞等不顧義理更相唱和既撓權而  
恃求復歸過以取名朕姑務含容屈於明憲止命各以本官補外尚  
慮搢紳之間士民之衆不詳本末但惑傳聞欲釋群疑理當申諭宜  
令中書門下御史臺出榜朝堂及進奏院遍懸告示庶知朕意

賜臺諫官詔

勅某等樞密本兵之府也在祖宗時固嘗得勲勞親信之武臣而泰  
用之邇者先帝之用郭達蓋有意乎此今臺諫官身言達不宜在執

政之地朕嘗熟復于懷以一言之譽進之以一言之毀退之豈朝廷  
爲于用人之意邪至引德宗之黜常袞憲宗之貶韋執誼豈不傷先  
帝知人之明使朕亦取階而靡安也夫言而不濶于事情體諸朝廷  
之宜而易行朕何殫而不從毋爲徒紛紛也其密朕言毋忽故茲詔  
示想宜知悉

詔約主兵官冗占兵詔 熙寧二年正月辛巳

國家置兵本脩戰守主兵之官弄多冗占以致不時教閱有誤征防  
帥臣安撫監司其察所部敢有影占者以名聞

詔察院誠諭邊臣 熙寧四年二月戊辰

昨李復圭擅易詔命出師侵敵遂致西鄙用兵廣南守臣亦以強為  
招納引誘重寇變映夷戶本止羈靡迎者用衆討除元惡尚未投首  
前日又據河東邊吏奏遺境聚兵雖未測虛實恐邊臣有以啓之者

況今朝廷政事之弊方議條理國財民力窮乏可知平時無事尚虞天災流行無以待之若四方有警何以支梧恐邊臣未悉為朝廷之計宜密戒諭之

誠約無戾法詔

熙寧七年四月己丑

朕嘉先王之法澤於當時而傳於後世可謂盛矣故夙興夜寐八年于茲度時之宜造為法令布之四方皆稽合先王參考群策而斷自朕意已行之効固亦可見而其間當職之吏有不能奉承乃私出已見妄為損益或以苛刻為能或以因循為得使我元之民元未盡蒙澤雖然朕終不以吏或違法之故輒為之廢法要當博謀廣聽察違法者而深治之間有未安考察修完期底至當士大夫其務奉承之以弼朕意無或徂於故常以戾吾法敢有弗率必罰無赦

降滕宗諒等官諭陝西四路沿邊詔

朕恤軍旅之苦寵邊陲之良事從優寬情無違愛至於常愆細過並許功除煩文苛法罕由吏議昨滕宗諒張亢並緣事任命給公使庫錢俾其宴享宿僚犒飲軍伍而乃用度無藝簿領失防賜託質營繕有年入使司言上遣使即推如聞遠繫頗多鞠助彌廣本其冗費寧足深誅已罷案務悉令原貸其滕宗諒等止免一官量降差違雖在吾法期慰士心且夫盡用市租美推趙將來從我取誼未漢臣每慕前風思全大體尚慮諸道帥守便以茲事為愆或損狹餼膠或裁量蔡弭苟存共難謂免議彈胡益至公亦非朕意但當循經費之式去自潤之私取仰於均惠官於衆由茲底績夫何間然安節坦懷無或疑憚

詔諭百官詔

元皇五年五月壬午

勅朕惟先王以道涖天下列而為事陳而為法人各有分然後安官

各有守然後治三代以降累世相仍寢違本原遂亂名實餘敝斯積其流及今朕因古弗還因時改造是正百職復建六聯先後重輕粗獲條次小大貴賤迭相維持差擇群材分委成憲行覩米効共致丕平敢有弗欽將厥厥罪新除省臺寺監官詳定官制所已著所掌職事如被選之人不循分守敢有僭紊其申諭中外寔是令者執政官委御史臺彈奏尚書以下聽長官糾劾以聞

誠勸中外奉詠詔令稱先帝

皇八年四月

恭以先皇帝臨御天下十有九年夙夜厲精建立政事所以惠澤四海衆之後世比聞有司奉行法令往往夫常或過為灼擾違戾元降詔旨或苟為文具不能布宣實惠或恣意窺測怠於舉職將恐朝廷成法因以隳弛其中喻中外自今以來協心循理奉承詔命以稱先

帝更易法度惠安元元之心敢有弗款必底厥罪仰仍御史臺察訪  
彈劾以聞

誠飭廢格詔令詔

元豐八年十月戊寅

比者詔令屢下真以均寬民力便安公私如聞官吏扭習故態不切  
奉行或致廢格使遠近之人未盡被惠自今仰悉心奉行監司檢察  
尚有戾違即仰御史臺彈劾奏

誠約措紳詔

元祐元年六月甲寅

向者朝廷講求法度務以寬厚安民而措紳之士往往不原朝廷本  
意速希功賞有誤使令或講法當失常或掎鉅毋節姦回附勢或構  
事傷非或多結權貴或妄舉遺事殘民蠹物文益知弊致使群言交  
攻不已苟無登庸必紊紀綱止以其罪頭者迺行竄逐自餘干涉之  
人夙夜怵惕不無憂虞予當新政務存大体一切示以寬恩更不追

幼成使改過自新各安職業可儆此意作詔書布告中外乃下詔曰朕惟先帝臨御以來講求法度務在寬厚愛物仁民而措紳之間有不能推原朝廷本意希功速進多誤任使或罔上飭非或違公附勢或議法中常或擅為措克或安生邊事或連起犴獄積其源流久乃知弊此群言所以未息而朝廷所以懲革也救正風俗修振綱紀茲出大公益不得已况罪類者已正惡鉅者已斥則宜蕩滌隱庇潤畧細故豈復究治以累太和夫疾之已甚孔子不為御衆以寬虞舜所尚為國之道務全大体應今日以前有涉此事狀者一切不問言者勿復彈劾有司毋得施行各俾自新同歸美俗布告中外体朕意焉

詔厲百官詔

朕觀舜禹之際誠於修己明於任賢立政以禮成治以樂群右推德庶尹允諧至於鳳凰來儀百獸率舞可謂至治之極太平之盛而方

是時上之於下也以禮盡其才下之于上也以義合於道士大夫各  
得行志而不知朋比不犯廉耻有立事之實而無希望之謀有燭理  
之明而無雷同之苟是以上下協和是非公當政純而事一下至無  
人之患而不踏非義况於士大夫哉先皇帝勵精政事十有九年作  
為教法凡所以興士行無不備其實有志于舜禹之隆比聞士大夫  
之所為有有不稱吾先帝之意忘其內之實而惟外求昧於理之公  
而惟私之徇作聰明事穿鑿妄意迎指脅持上下以傷民而害物或  
率意私造斷諛滋擾志之虛言以欺愚而惑衆以浮為俊以刻為明  
以守節為無能以忠實為不慧苟於祿利為有得則一切不顧義理  
之是否輕薄相師漸以成俗如此者豈一二而已哉士大夫者朕之  
所恃以共理而趣操顧如此朕何賴焉夫議事以中則人不趨其偏  
御人以道則士各得其志朕將欲通天下之志以要之善而無偏隱



之私成天下之務以趣厥中而無獨任之好輔弼大臣同寅協恭左右卿士濟濟相善使為士者相忘于道術民物同臻於大和庶幾燁禹之隆以成先帝之志士大夫其公乃心室乃欲革所為以安乃止相與去浮刻而勉其忠厚予以修身厲節不犯於非義朕亦何敢道焉布告中外明諭朕懷